

《佛說相應相可經》CBETA 電子版

版本記錄: 1.1

完成日期: 2002/11/04

發行單位: 中華電子佛典協會 (CBETA) cbeta@ccbs.ntu.edu.tw

資料底本: 大正新脩大正藏經 Vol. 2, No. 111

No. 111 [No. 99(449-450), No. 101(20)]

佛說相應可經

西晉沙門法炬譯

佛在舍衛國請諸比丘。比丘即到。佛告比丘。比丘應唯然從佛聞。佛便說。是不聞者不聞者俱相類相聚相應相可。多聞者多聞者俱相類相聚相應相可。貪婬者貪婬者俱相類相聚相應相可。不貪婬者不貪婬者俱相類相聚相應相可。瞋恚者瞋恚者俱相類相聚相應相可。不瞋恚者不瞋恚者俱相類相聚相應相可。愚癡者愚癡者俱相類相聚相應相可。慧者慧者俱相類相聚相應相可。布施者布施者俱相類相聚相應相可。慳貪者慳貪者俱相類相聚相應相可。少欲者少欲者俱相類相聚相應相可。多欲者多欲者俱相類相聚相應相可。不持戒者不持戒者俱相類相聚相應相可。持戒者持戒者俱相類相聚相應相可。難給者難給者俱相類相聚相應相可。易給者易給者俱相類相聚相應相可。不知足者不知足者俱相類相聚相應相可。知足者知足者俱相類相聚相應相可。不自守者不自守者俱相類相聚相應相可。自守者自守者俱相類相聚相應相可。佛說。比丘。如是慧人當分別是因緣。可行者行之。不可行者莫行。佛說如是。比丘受行著意

佛說相應相可經